

周禮故書疏證

疏證卷一

臨海朱世榮學

官冢宰

聯 〔註〕古書連作聯

釋詁古故也賈疏言故書者鄭註周禮時有
劉向未校之前或在山巖石室有古文考校
後爲今文古文不同鄭據今文注故云故書○鄭
謂聯讀爲連說文耳部聯連也五經文字耳部聯
古連字

二曰嬪賓 〔註〕嬪故書作賓

釋名釋親屬嬪賓也

小四曰聽稱責以傅別 註傅別故書作傅辨

篇首辨方正位 註辨別也秋官朝士有判書以治

註故書判為辨辨讀為別史記樂書其治辨者其

禮具徐廣曰辨一作別

六曰廉辨 註杜子春云廉辨或為廉端

世罕案古辨字通作平端有平義亦音之轉

七事者 註七事故書為小事

杜子春云當為七事書亦為七事

庖 人賓客之禽獻 註獻古文為獸

杜子春云當為獻世罕案獻獸形近經典多用禽

獸字罕見禽獻者故傳寫或譌

師

祭祀共蕭茅

註鄭大夫云蕭字或爲蒿

先鄭謂蒿讀爲縮引齊桓公無以縮酒杜子春讀爲蕭詩伐木傳滔蒿之也釋文蒿與左傳縮酒同說文艸部蒿字引春秋傳無以蒿酒今左傳四年傳作無以縮酒詩七月九月肅霜傳肅縮也論語季氏而在蕭牆之內也鄭注蕭之言肅也世學案蕭縮亦音之轉

酒

共其計酒正奉之

註故書酒正無酒字

人

正歲

註故書正爲政

小宰聽政役以比居註政或作正地官族師各掌其族之戒令政事月吉註杜子春云當爲正月吉夏官都司馬以國灋掌其政學陸德明本作正學小戴記深衣以直其政註政或爲正論語政者正也荀子非相篇正令是也註正或爲政詩節南山不自爲政小戴記緇衣引作不自爲正書舜典以齊七政史記律書作七正又湯誓而割在夏史記殷本紀作割政小戴記月令班馬政呂覽仲夏紀作班馬正史記始皇紀名政徐廣曰政一作正

人選粉餐 註故書餐作茨

玉則共珠槃玉敦

註故書珠爲夷

世聲

案篆文朱夷形近禮經多用夷槃字故傳寫

或譌又易雜卦明夷誅也夷朱亦音之轉

外府共其財用之幣齋

註齋或爲資

司農謂今禮家定齋作資後鄭謂齋資同耳其三

以齊次爲聲從貝變易古字亦多或又典婦功女

功之事齋典臬以待時頒功而授齋註並云故書

齋爲資掌皮則會其財齋註鄭司農云齋或爲資

春官巾車入齋子職幣註杜子春云齋讀爲資儀

禮聘禮問幾月之資註古文資作齋少牢饋食資

黍稷于羊俎兩端註今文資作齋漢書霍云病傳
爲遣大官齋數十乘師古曰齋與資同

司會以參互考日成

註故書互爲巨

秋官修間氏互櫟註故書互爲巨

司書受其幣

註故書受爲授

鄭司農云授當爲受典婦功凡授嬪婦功註授當
爲受聲之誤也地官大司徒使之相受掌葛以權
度受之註並云故書受爲授春官司儀授幣註授
當爲受儀禮特牲饋食主婦拜受爵註今文授爲
受又大射儀坐授瑟唐石經作坐受瑟小戴記月

令授車以級呂覽季秋紀作輿受車以級

職而與其錄 **註**故書錄為祿

孝經援神契祿者錄也詩小戎傳歷錄釋文一本

作歷祿荀子大略注引新序以綠圖為錄圖御覽

引韓非作祿圖淮南子主術訓捷疾劬錄泰族訓

作劬祿

司則共熊侯豹侯 **註**故書則共熊侯虎侯

杜子春云虎當為豹山海經西山經南山多猛豹

註豹或為虎 世學秦唐人諱虎字多改作豹此杜子春說富為豹非避唐諱也

廣裘 **註**故書廣為淫

鄭司農云淫裘陳裘也說文广部廡陳與服于庭也春官司服廡衣服大師廡作懼謚夏官司兵廡五兵故書廡並作淫考工記匠人善防者水淫之註淫讀爲廡

掌皮則會其材齋 註齋或爲資

見外府共其財用之幣齋條

內宰以作二事 註故書二爲三

考工記梓人觚三升韓詩說二升曰觚小戴記郊
犧牲尊賢不過二代註二或爲三

出其度量淳制 註故書淳爲敦

杜子春讀敦爲純地官質人壹其淳制註杜子春
云淳當爲純惠徵君棟古義引管子作縛制檢管
子君臣註縛古准字世準案准乃準字之俗荀子
君道以準槩爲敦槩亦其證也

九嬪贊玉齋

註故書玉爲王

說文玉字偏旁不加點李陽冰曰王中畫近上王
者則天之義王三畫正均如貫玉也漢書藝文志
論語齊二十二篇多問王知道今檢逸論語見於
說文初學記太平御覽等書皆詮玉之說王伯厚
以爲疑卽問玉又荀子王霸篇改王改行也註引

國語改玉改行呂覽首時亦不忘王門之辱

世罕

案卽玉門字春秋左成二年傳齊侯朝於晉將授

玉漢張衡以爲尊晉侯爲王亦字誤也

與婦功

及內人女功之事齋

註故書齋爲資

見外府共其財用之幣齋條

典

以待時頒功而授齋

註故書齋作資

見外府共其財用之幣齋條

人

喪縫棺飾焉

註故書焉爲馬

大戴記王言雖有國焉家語王言解作雖有國之

良馬春秋左襄二十八年傳慶氏之馬善驚昭四

年傳恃險與馬二十年傳不腆先人之產馬唐石
經馬並作焉

衣翬柳之材

註故書翬柳作接櫨

鄭司農云接讀爲𨾏櫨讀爲柳引檀弓曰周人簪
置翬春秋傳曰四𨾏不蹕今左襄二十五年傳作
四翬不蹕又春官喪祝註周人之葬牆置𨾏釋文
𨾏本亦作翬漢祝睦碑萋萋以席隸釋萋與翬同
詩關雎傳苕接余也釋文本作萋茶荀子禮論皆
有萋萋文章之等註萋萋當爲萋萋小戴記檀弓
設萋萋註周禮萋作柳此故書作櫨蓋古時字

人染

夏纁玄

註故書纁作窳

玉篇黑字窳字作黠與說文黠字同義與纁無涉
蓋古書形近而譌

夏

以乘車建綬

註故書綬爲禭

儀禮士虞禮不綬祭註綬當爲墮廣雅釋詁遺墮
儀禮士喪禮註禭之言遺也世葬案禭卽禭字

周禮故書疏證卷一終

門人

同邑彭
仙居應履

上校

周禮故書疏證卷二

臨海宋世榮學

地官司徒

序廛人

〔註〕故書廛爲壇

載師以廛里任國中之地註故書廛或爲壇管子
五輔篇利壇宅荀子作定廛宅

泉府

〔註〕故書泉或作錢

小戴記檀弓註古者謂錢爲泉國語周語景王將
鑄大錢註古曰泉後轉爲錢天官外府註引作鑄
大泉史記天官書下有積錢徐廣曰錢古作泉字

餽人

〔註〕故書餽作饌

下叙次正作饌人說文食部饌或从熙作饌或从米作糈儀禮特牲饋食主婦視饌饌註古文饌作糈周禮作饌

大司徒

五日以儀辨等

註故書儀或爲義

春官小宗伯肆儀肆師治其禮儀典命掌諸侯之五儀故書儀並爲義肆師註古者書儀但爲義書文侯之命父義和鄭註義讀爲儀又大傳尚考六室之義註義當爲儀詩楚茨禮儀卒度韓詩外傳作禮義崧高我儀圖之陸德明本儀作義小戴記緇衣臣儀行註儀當爲義樂記制之禮義漢書禮

樂志作禮儀漢書鄒陽傳褒義父之後師古曰義
讀曰儀揚信碑追念義刑亦以義爲儀字

正日景以求地中

〔註〕故書求爲救

書盤庚器非求舊蔡邕石經作器非救舊惠徵君
棟謂此救字當作殺古文求是也

便之相受

〔註〕故書受爲投

見天官司書受其幣條

小司
徒

乃分地域

〔註〕故書域爲邦

世榮

案漢高祖諱邦故尚書協和萬邦等字史記
並作國漢書高祖紀註師古曰邦之字曰國者臣

下所避以相代也汗簡引義雲章盛古國字

師與其輦輦註古文輦作連

春官巾車輦車組絕釋文輦本又作連易蹇卦往蹇來連虞翻讀連爲輦莊子讓王民相連而從之釋文引司馬註連讀曰輦小戴記明堂位夏后氏之四璉陸德明本作四連韓勅碑胡輦器用隸釋以爲卽瑚璉字說文彡部連負車也車部輦輓車也知連輦實一字矣

執斧以涖匠師註故書涖作立

司市市師涖焉春官大宗伯涖玉鬯註故書涖並作立史記蔡澤傳明王立政索隱立涖也呂覽制

樂周文王立國八年韓詩外傳作莅國

巡其前後之屯

註故書巡作述屯或爲馨

白虎通巡守巡者循也儀禮凡述命之述**註**並訓
爲循○鄭大夫讀屯爲課殿杜子春讀爲在後曰
殿世犖案古殿字从屍屍古文馨字釋名釋形體

馨殿也

鄭大夫

五曰興舞

註故書舞爲無

馬融論語**註**引此作興武小戴記禮器詔侑武方
註武當爲無

族師各掌其族之戒令政事月吉

註故書上句或無事

字

見天官凌人掌冰正歲十有二月條

春秋祭酺亦如之

〔註〕故書酺或爲步

杜子春云當爲酺後鄭謂校人職又有冬祭馬步則未知此世所稱蠶螟之酺與人鬼之酺與檢夏官校人疏馬神稱步者謂若元冥之步人鬼之步之類大戴禮步於山川亦其字也

胥既比則讀澶 〔註〕故書既爲暨

書皋陶謨暨稷播詩譜疏引作既稷播後漢書馬融傳鐘鳴既觴〔註〕流俗本既字作暨

唐武德三年置暨陽卽晉

之既
陽也

釐撻罰之事

〔註〕故書或言釐撻之罰事

舞師

教皇舞

〔註〕皇或爲璽或爲義

春官樂師有皇舞註故書皇作璽小戴記王制有虞氏皇而祭陸德明本作璽說文羽部璽讀若皇或爲義者義爲古儀字爾雅釋詁皇皇美也小戴記少儀言語之美等美字註美皆當爲儀

牧人

毀事用尢

〔註〕故書毀爲甦尢作廌

倉頡毀破也法言剛則甦註甦破瓦又破罍也據此知毀甦一義又廣雅甦劈並訓爲裂此毀字註

謂副辜候禳毀除殃咎之屬副卽劈字也○註尫
謂雜色不純文選四子講德論厖眉者耆之老註
厖雜也春秋左襄四年傳尫圍漢書人表作厖圍
師載以廛里任國中之地註故書廛或作壇

見上序官廛人條

任近郊之地

註郊或爲蒿

穀梁春秋桓十五年公會齊侯于蒿公羊蒿作郛
左文三年傳及郊史記秦本紀作及郛

任稍地註稍或作削

天官大宰家削之賦釋文削本亦作稍又作郛說

文邑部郇國甸大夫稍稍所食邑引周禮任郇地在天子三百里之內

惟其漆林之征 〔註〕故書漆林爲漆木

說文漆部漆木汁可以髹物象形漆如水滴而下又水部漆水名今漆泉梓漆等字經典多作漆反以漆爲古字矣

遺人以恤民之難阨 〔註〕故書難阨作摧阨

難籀文艱字艱摧字皆从堇亦聲之轉

以待羈旅 〔註〕羈作寄

註羈旅過行寄止者小戴記王制東方曰寄呂覽

慎勢註寄作羈羈通字

師掌國中失之事 〔註〕故書中爲得

國策秦策是秦之計中註中得也史記封禪書與王不相中索隱引三倉中得也呂覽行論以中帝心註中猶得

王舉則從 〔註〕故書舉爲與

史記呂后紀蒼天舉直徐廣曰舉一作與

帥四夷之隸 〔註〕故書隸或作肆

古時肆字本作隸易與隸混又肆通作肆春官小宗伯肆儀註肆習也史記叔孫通傳羣臣習隸索

隱錄猶習也

司市

市師涖焉

〔註〕故書涖作立

見上鄉師執斧以涖匠師條

辟布者

〔註〕故書辟爲辭

詩汝墳箋辟此勤勞之處釋文辟此一作辭此

其附於刑者

〔註〕故書附爲拊

詩角弓如塗塗附箋附木桴也正以附爲拊字

人廛

比珍異之有滯者

〔註〕故書滯或作廛

世學

案廛滯聲轉淮南子原道訓註滯止也司關

註征廛者貨賄之稅與所止邸舍也是廛亦止義

師賈凡國之賣債註故書賣爲買

秋官萍氏註苛察沽買釋文買本作賣

疇襲其不正者註故書襲爲習

小戴記曲禮卜筮不相襲疏引金縢一襲古今書
作一習吉文選齊竟陵文宣王行狀龜謀襲吉註
襲與習通

泉貨之滯于民用者註故書滯爲癉

世聲案上廛人註故書滯或爲廛廛壇通字儀禮

士冠禮嘉薦宜時註古文宜爲瘕又滯字从帶與
宜單亦音之轉

遂庀其委積 〔註〕故書庀爲比

鄭司農云比讀爲庀下比叙其事而賞罰又春官
世婦比其器大胥比樂器司農並讀比爲庀夏官
大司馬比軍旅〔註〕比或作庀

稍以旬聚待羈旅 〔註〕故書羈作奇

世犖 案羈寄通字奇又从寄省

草人駢剛用牛 〔註〕故書駢爲犖

世犖 案駢當爲犖說文土部犖赤剛土也駢本假

借字詩駢駢角弓說文引作解義與犖近或犖犖
形近而假借用也

墳壤用麩
〔註〕墳作盆

鄭司農云墳壤多盆鼠也春秋昭五年叔弓敗莒師于蚡泉公羊作潰泉潰墳通字詩周南以汝墳爲汝潰毛傳墳大防也說文土部坳塵也一曰大防也賈子勸學盆冒楚棘別本盆亦作盆說苑善說豐盆黃卽左傳之苗賁皇也

尊以權度受之
〔註〕故書受或爲授

見天官司書受其幣條

周禮故書疏證卷二終

門人長汀鄒揚芳校

周禮故書疏證卷三

臨海朱世榮學

春官宗伯

大宗伯

以吉禮事邦國之鬼神示 註故書吉或爲告

小戴記緇衣尹吉曰 註吉當爲告

以實柴祀日月星辰 註故書實柴或爲賓柴

註謂實柴實牛柴上也 世榮案實賓形近書堯典

寅賓出日是祀日本有賓義

以血祭祭社稷五祀 註故書祀作禩

夏官小子祈于五祀 註故書祀爲禩說文示部祀

或作禩汗簡引古文尚書禩古祀字

以鬮辜祭四方百物

註鬮爲罷

鄭司農謂罷辜披磔牲以祭釋名釋喪制披擺也
文選西京賦置互擺牲註擺謂披磔縣之王侍郎
引之曰擺俗體字古但作罷世華案秋官犬人鬮
辜陸德明本作罷辜正其證也

泄玉鬯

註故書泄作立

見地官鄉師執斧以泄匠師條

小宗

掌建國之神位

註故書位作立

鄭司農云立讀爲位古者立位同字古文春秋經
公卽位爲公卽立春秋左襄三十二年傳辨於其

大夫之族姓班位說苑班位作變立昭二十二年傳註子朝有欲位之言釋文位本作立金石錄云古器物銘凡言卽立或言立中庭皆當讀爲位肆儀爲位註故書肆爲肆儀爲義

儀禮聘禮爲肆註古文肆爲肆小戴記玉藻肆束及帶註肆讀爲肆曲禮大夫與士肆內則請肆簡諒陸德明本並作肆學記宵雅肆三釋文肆本又作肆春秋左文四年傳臣以爲肆業及之也陸德明本肆作肆昭三十年傳若爲三師以肆焉釋文肆本又作肆○儀義見地官大司徒以儀辨等條

師肆及其祈珥

註故書祈爲幾

後鄭謂祈當爲進禋之禋夏官小子祈于五祀註
祈或爲劓引春官肆師職祈或作畿又秋官犬人
凡幾珥註幾讀爲劓說文血部鑿以血有所劓涂
祭也徐鍇曰或作祈假借本作畿也據此知幾爲
鑿省禋畿並假借字矣

表齋盛

註故書表爲剽

古表標通字莊子庚桑楚有長而無本剽者宙也
釋文剽本亦作標後漢書崔寔傳剽賣田宅註剽
一作標

則爲位 〔註〕故書位爲涖

易需卦位乎天位鄭氏本上位字讀爲涖春秋僖三年公子友如齊涖盟穀梁傳涖位也

凡師不功 〔註〕故書功爲工

鄭謂古者工與功同字書皋陶謨天工人其代之漢書律歷志作天功益稷苗頑弗卽工史記夏本紀作不卽功小戴記月令功有不當呂覽孟冬紀作工有不當

治其禮儀 〔註〕故書儀爲義

見地官大司徒以儀辨等條

人祭門用瓢齊 〔註〕故書瓢作剽

鄭司農讀剽爲瓢爾雅釋樂其中謂之剽釋文剽

鄭音瓢

用蜃 〔註〕故書蜃或爲謨

世舉

案禮經蜃字異文最夥如蜃車之蜃或作輶

或作輶或作樽之類茲蜃爲酒器當是蜃字之譌

說文觶或作觶儀禮多書作觶觶謨亦音之近也

司尊 其朝踐 〔註〕故書踐作餞

儀禮士虞禮乃餞〔註〕古文餞爲踐

醴齊縮酌 〔註〕故書縮爲數齊爲盞

釋名釋姿容寔數猶局縮方言炊簣謂之縮或謂之簣說文簣作簣○杜子春云齊讀皆爲案小宗伯六齋註齋讀爲案世澤案古只以齊爲齋字

司几筵

凶事仍几

註故書仍爲乃

爾雅釋詁仍乃也文選劉琨勸進表仍承西朝晉書仍作乃

天府

凡國之玉鎮

註故書鎮作瑱

下典瑞執鎮圭註故書鎮作瑱釋名釋首飾瑱鎮也秋官小行人王執瑱圭釋文瑱宜作鎮音

典瑞執鎮圭

註故書鎮作瑱

見上條

珍圭

註珍書亦或爲鎮

廣雅釋詁珍鎮並訓重也

世舉

案汗簡引王庶子

碑鈐古鎮字珍蓋从鈐省假借字

典命

掌諸侯之五儀

註故書儀作義

見地官大司徒以儀辨等條

司服

希冕

註希或作希

鄭謂希讀爲緇或作希字之誤也釋文希本又作

緇書益稷緇繡鄭註緇讀爲希詩采菽傳謂緇衣

也釋文緇本又作希

說文無希字乃卽希字之省

弁絰服 註故書弁作紩

小戴記郊特牲周弁說文兒部覓冕也周曰覓又
與籀文覓又弁或覓字又糸部繇馬髦飾也或从
鼻作繇玉篇以紩爲繇字 世舉 案繇有聲音儀禮
士冠禮註弁名出於樂樂弁亦音之轉

麻衣服 註故書麻爲淫

見天官司裘麻裘條

祧守 掌守先王先公之廟祧 註故書祧作濯

世舉

案濯當爲祧字玉篇示部祧古文祧 古洮濯

一字詩大東佛佛公子韓詩外傳佛作耀爾雅
釋魚蜃大者洮釋文洮衆家本作濯並其證也

內薦加豆籩 註故書爲籩豆

樂九司播之以八音 註故書播爲藩

杜子春云藩當爲播讀如后稷播百穀之播書大
傳播國率相行事註播讀爲藩

樂師有皇舞 註故書皇作壑

見地官舞師教皇舞條

趨以采齊 註故書趨作踧

世樂案集韻趨或作踧踧蓋踧省

詔來瞽舉舞 註鼓字或作鞀

大師令奏鼓曠唐石經鼓作瞽釋名釋疾病瞽鼓

也大戴記保傅鼓夜誦詩註瞽與鼓聲誤也詩有
瞽序釋文瞽本作鼓漢書人表以鼓容爲瞽瞍字
燕射帥射夫以弓矢舞 〔註〕故書燕爲舞帥爲率射
夫爲射矢

燕舞篆字形近又下有舞字故譌○儀禮大射儀
帥大夫以入註古文帥皆作率覲禮帥乃初事註
今文帥作率 世舉案帥率經典通用不可枚舉○
夫矢亦形近下亦有矢字故譌

遂倡之

〔註〕故書倡爲昌

廣雅釋詁昌始也漢書地理志註倡始也又趙充

國傳以昌狂爲猖狂字古猖唱等字只作倡

大師令奏擊拊 〔註〕故書拊爲付

秋官小司寇附于刑〔註〕故書附作付 世舉案附拊

字並从付說文人部付从手持物對人知拊字古

只作付矣

大喪帥瞽而厥作匱〔註〕故書厥爲淫

見天官司裘厥裘條

察世奠繫 〔註〕故書奠或爲帝

杜子春云帝讀爲定其字爲奠書亦或爲奠又小史奠繫世〔註〕故書奠爲帝杜子春云帝或爲奠奠

讀爲定書帝亦或爲奠

世舉

案隋書經籍志作定

世繫史記五帝紀有帝繫姓大戴記有帝繫篇

脰繫頌磬笙磬

註頌或作庸

疏引尚書笙庸以間鄭云庸卽大射頌一也又大
司樂疏引鄭註尚書云西方之樂謂之庸庸功也
亦謂之頌頌亦是頌其成也儀禮大射儀頌磬註
古文頌爲庸

典同掌六律六同之和

註故書同作銅

鄭司農云陽律以竹爲管陰律以銅爲管白虎通
爵引尚書乃受銅瑁也今書顧命作同瑁

高聲𦘒

註故書𦘒或作𦘒

𦘒𦘒形近杜子春讀𦘒爲𦘒鏘之𦘒鄭大夫讀𦘒爲𦘒袞冕之袞

世聲

案袞字古亦作𦘒說文無𦘒𦘒

字字林𦘒音限考工記輪人欲其𦘒也註𦘒讀如限切之限說文車部引考工記作𦘒

鍾納夏

註故書納作內

詩七月十月納禾稼箋納內也易坎卦納約自牖京房一行本納作內書禹貢賦納總釋文納本又作內漢書地理志亦引作內詩烝民出納王命釋文本作內論語出納之吝陸德明本作出內

籒
章國祭蜡

註故書蜡爲蠶

世榮

蜡祭之蜡字當从𧈧蜡蠶本音之轉又蜡从
臣管蠶从𧈧替形亦相近故傳寫或異

太
卜其經運十

註運或爲緝

鄭謂當爲燁小戴記祭統有異燁胞翟闇者註燁
周禮作鞞考工記函鮑鞞韋裘註鞞讀爲歷運之
運說文革部鞞攻皮治鼓工也讀若運或作鞞保
章氏註日有薄食暈珥釋文暈本又作燁亦作運
據此知緝鞞並假借字

氏

遂斂其燁契

註杜子春云書亦或爲俊

俊煖俱从夂聲古假借用

夂乃舍萌于四方 〔註〕書亦或爲明 又古書釋菜釋奠

多作舍字

杜子春讀萌爲明白虎通八風清明者清芒也又五行芒之爲言萌也漢書地理志以葭明爲葭萌字○後鄭謂舍讀爲釋甸祝舍奠于祖廟註舍讀爲釋儀禮鄉飲酒禮主人釋服大射儀獲而未釋獲註並云古文釋作舍詩行葺舍矢旣均箋舍之言釋也小戴記祭統舍奠于其廟註舍當爲釋

遂令始難啟疫

〔註〕故書難或爲儺

小戴記月令命國難天子乃難命有司大難曰覽淮南子並作儼論語鄉人儼方相氏疏引作難

彌七日彌八曰敍九曰隋 註故書彌作迷隋作資

彌迷音同衛臣彌子瑕大戴記保傅篇作迷子瑕註彌當聲誤爲迷也○儀禮士虞禮隋耐爾于爾皇祖某甫註今文隋爲齊 世舉案齊資古通字

大二口造 註故書造作窳

天官膳夫以樂徹于造註鄭司農云造謂食之故所居處也釋名釋宮室窳造也造創食物也

三日誥 註杜子春云書亦或爲告

小戴記緇衣尹吉註吉當爲告告古文誥史記殷
本紀作帝誥書序誥作告周本紀遂告諸侯書序
告作誥又書仲虺之誥墨子非命三引並作告

四曰振動

〔註〕鄭大夫云書亦或爲董

董動並从重聲白虎通五行東方者動方也漢書
人表東不訾韓非說疑作董不識

祭示

〔註〕故書祇爲祔

祇卽示字祇祈古通文選思元賦湯芻體以禱祈
兮註祈或爲祔

小大喪贊誥

〔註〕故書誥爲攝

泚攝字俱从耳王侍郎引之曰喪禮浴尸無稱攝者當以形近而譌

置銘

〔註〕銘今書或作名

鄭司農云銘書死者名於旌夏官司勲銘書于王之太常註銘之言名也儀禮既夕取銘置于重註今文銘皆作名小戴記祭統銘者自名也列子湯問伯益知而名釋文名與銘同

祀于社

〔故〕書祀或作禋

見上大宗伯五祀條

句表銘之祝號

〔註〕書亦或爲禡

杜子春讀貉爲百爾所思之百肆師祭表貉後鄭云貉師祭也讀爲十百之百詩吉日旣伯旣禱說文示部引作旣禱旣禱爾雅釋天是禱是禱師祭也夏官大司馬有司表貉誓民註貉書亦或爲禱

司及菹館 註書或爲菹館或爲租飽

後鄭云菹之言藉也引士虞禮苴刈茅又地官鄉師共茅菹鄭大夫讀菹爲藉後鄭亦引士虞禮苴刈茅今檢士虞禮註苴猶藉也漢書郊祀志席用苴稽註苴如淳讀爲租師古曰茅藉也 世第案館飽篆形相近菹館爲租飽卽苴苞字小戴記曲禮

註苞苴裹魚肉者也或以葦或以茅卽本註或曰
租飽茅裹肉之義

男

冬堂贈

〔註〕故書贈爲贈

小戴記禮運瘞繒註繒或作贈釋文繒本又作增

世禁

案繒增並假借字

王弼則與祝前

〔註〕故書前作先

天官大宰前期十日釋文前本或作先

大

史讀禮書而協事

〔註〕故書協作叶

杜子春云叶協也書亦或爲協或爲汁秋官大行人協辭命註故書協作叶鄭司農云協當爲汁又

鄉士協日陸德明本作汁日說文芻部叶古文協
或从口作叶方言協汁也天官大宰註黑帝汁光
紀小戴記月令註作叶光紀爾雅釋天在未日協
洽史記歷書作汁洽天官書作叶洽書舜典協時
月白虎通漢書律歷志並作叶時月又洪範協用
五紀漢書五行志協作叶師古曰叶讀曰叶又不
協于極伏生傳協作叶

小史 奠繫世

〔註〕故書奠爲帝

見瞽瞍世奠繫條

叙昭穆之俎簋

〔註〕故書簋或爲几

鄭司農云几讀爲軌書亦或爲籩古文也儀禮公

食大夫禮設黍稷六籩註古文籩皆作軌說文竹

部匭古文籩或从軌机亦古文籩世犖案易渙奔

其机机卽籩字今本作渙奔其机卽以爲几字矣

巾金路鉤 註故書鉤作拘

春秋左哀二十五年傳以鉤越釋文鉤本或作拘

莊子徐無鬼上且鉤乎君釋文鉤本亦作拘荀子

宥坐篇埤下裾拘註拘讀曰鉤

鵠纓 註杜子春云鵠或爲結

古吉告通字方言布穀自關東西梁楚之間謂之

結誥爾雅釋鳥作鵠鵠

朱總

註故書朱總爲總

釋文總戚云檢字林蒼雅及說文皆無此字唯昌宗音廢以形聲會意求之實所未了李兵廢反亦或作總恐是意改也

世聲

案總總乃形之譌王應

麟詩考引說文縹衣總巾今說文實作縹字亦形

譌也

王侍郎引之曰兵廢反當爲邱廢反自丁度修集韻時已誤

鷺總

註鷺或作鷺

山海經海內經鷺鳥郭註鳳屬也引離騷曰騶玉蚪而乘鷺今離騷作乘鷺詩遵渚箋不宜與鳧鷺

之屬釋文鷺本又作鷺

有翬

〔註〕故書翬爲駢杜子春云書亦或爲駢

釋文駢駢並音獵

世舉

案禮經翬柳二字其別甚

駢駢當以音近假借用

疏飾小服皆疏

〔註〕故書疏爲搆

杜子春讀搆爲沙典瑞疏璧琮以斂尸註疏讀爲沙古胥疏通字詩緜子曰有疏附漢書王莽傳作胥附春秋左成十四年傳蒲胥之市呂覽行論作蒲疏山海經南山經糝米註糝或作疏

藻車藻蔽

〔註〕故書藻作載

世聲

案藻葢音近小戴記檀弓葢塗龍輻爲天子之殯飾茲藻車爲王喪車或卽借用葢字加車爲輶也

駢車藿蔽然禛髻飾

註故書駢作龍髻爲軟

上革車龍勒註龍駢也秋官犬人用駢註故書駢作龍易說卦震爲龍虞翻干寶本並作駢○杜子春讀軟爲黍垓之黍小戴記檀弓衽每束一註衽或作漆或作髹史記貨殖傳木器髹者干數徐廣曰髹漆也世聲案髹卽髹省漆有次音書顧命漆仍几徐邈音漆爲七利反後漢書郡國志蘭陵有

次室亭列女傳漆室之女卽次室之女也

孤乘夏篆

〔註〕故書夏篆爲夏綠

鄭司農云綠黑色或曰夏篆讀爲圭瑑之瑑小戴
記禮器大圭不瑑註瑑當爲篆字之誤也漢書董
仲舒傳作良玉不瑑世榮案瑑篆綠俱假借字說
文車部軻字引此作孤乘夏軻則軻乃本字也

歲時更續

〔註〕故書更續爲受讀

更字古作夏形與受近儀禮燕禮大射儀特牲饋
食各更爵字古文更並爲受春秋左昭九年傳以
更豕韋之後史記夏本紀更作受徐廣曰受一作

更○續讀俱从賣聲詩邶風不可讀也傳讀抽也

小爾雅廣言續抽也史記太史公曰抽史記石室

金鎖之書

世罕

案抽卽讀義

鳴鈴以應雜人

〔註〕故書鈴或作鈴

漢書宣帝紀以鈴車奉迎曾孫註鈴車獵車前有

曲鈴小戴記文王世子夢帝與我九齡疏引皇氏

云謂天以九箇鈴鐸而與武王樊毅華嶽碑垂曜

萬輪婁壽曰漢碑齡皆作鈴

車僕革車之萃

〔註〕故書萃作平

鄭謂萃猶屏也杜子春云革車當爲駟車釋名釋

車駟屏也文選長笛賦爭湍苹繁苹繁卽屏營字
詩鹿鳴食野之苹傳苹萍也秋官萍氏註萍讀如
小子言平之平書堯典平秩東作釋文平馬作苹

周禮故書疏證卷三終

門人安邑王鳳翰校

周禮故書疏證卷四

臨海宋世榮學

夏官司馬

序
官司勳 註故書勳作勛

說文力部勛古文勳徐鍇謂古文尚書作此書堯
典放勳史記五帝紀尚書考靈曜並作放勛

司燿 註故書燿爲燹

燿燹形近廣雅釋器燿炬也儀禮士喪禮楚焯置
於燹註燹炬也義本相通

大司馬
暴內陵外則壇之 註壇書亦或爲壇

註壇讀如同壇之壇詩東門之壇陸德明本作壇

春秋左襄二十八年傳舍不爲壇服虔本作墀

乃以九畿之籍

註故書畿爲近

說文田部畿天子千里地以遠近言之則言畿也
小戴記大學邦畿千里釋文畿本作幾古幾字多
訓近字亦通用

有司表貉誓民

註書亦或爲禡

見春官甸祝表貉之祝號條

比軍衆

註比或作庀

見地官遂師庀其委積條

馬
質綱惡馬

註綱書亦爲亢

鄭司農謂網讀爲以亢其讎之亢釋名釋山岡亢也左隱五年註東平剛父縣漢書地理志作亢父子小祈于五祀 註故書祀爲禩

見春官大宗伯以血祭祭社稷五祀條

羊人燬積 註積故書爲毗

鄭司農云毗讀爲漬釋文毗與漬同春秋公羊莊十七年傳澱積也釋文積本又作漬後漢書光武十王傳毀皆註皆或爲瘠春秋公羊莊二十年傳大瘠也釋文瘠本作漬互詳秋官蜡氏掌除毗條

服不氏以旌居乏而待獲 註待書亦或爲持

儀禮公食大夫禮左人待載註古文待為持大戴
記禮三本待年而食者荀子禮論待年作持手

司掌羣臣之版 註故書版為班

儀禮士虞禮以其班附註今文班為胖天官腊人
膾胖註杜讀胖為版互詳秋官朝士有判書條

諸子掌國子之倅 註故書倅為卒

天官宮正註引此正作卒鄭司農云卒讀如物有
副倅之倅小戴記燕義庶子之卒又國子存游卒
註卒讀皆為倅

大僕戒鼓 註故書戒為駮

倉頡駭警也儀禮士冠禮主人戒賓註戒警也

世

案駭字亦作駭戒蓋駭省

弁璿玉三采

註故書璿作璿

說文玉部璿三采玉也初學記太平御覽北堂書鈔並引逸論語璿三采玉也知古字多从璿矣

會五采玉璿

註故書會作會

鄭司農云讀如馬會之會士喪禮曰會用組乃笄檜讀與會同書之異耳

世

案檜字當爲會儀禮

士喪禮作會註古文會皆爲括詩車牽德音來括傳括會也說文骨部會骨植之可會髮者引詩口

膾弁如星今詩洪渙作會弁廣韻馨膾同字

司廡五兵 註故書廡爲淫

見天官司裘廡裘條

司弓以授射甲革楛質者 註故書楛爲鞞

楛鞞音近鞞蓋假借用字

橐試其弓弩 註故書試爲考

小戴記中庸日省月試註引此作考其弓弩家語
月試作月考

戎贊牛耳桃茹 註故書茹爲滅

杜子春云滅當爲厲春官喪祝註以桃厲執戈釋

文厲記作蒟世舉案厲古通滅蒟音近假借用

以大及犯軌註故書軌作罰

軌罰音近其證俟考

右祭兩軹祭軹乃飲註故書軹爲軒軹爲筭

註或讀軒爲簪筭之筭說文車部無軒字軹訓直

輪小穿也釋名釋車軹指也如指而見於轂頭也

世舉案此物以小穿而見於轂頭如人之簪筭而

見於冠之兩頭故其字从开或卽借用筭字傳寫

者誤以軒與轡內之軹相混劉成國因以如指釋

之小戴記少儀祭左右軌范又以軒爲軌字范卽

軌也戴太史

震

曰少儀之左右軌卽大馭之兩軹

軹本作駟譌而爲軌軌軹二字少見非改爲軹卽譌爲軌今檢說文車部軹車軹前也引周禮立當前軹考工記軹人軹前十尺註鄭司農云軹謂式前書或作軹然則范範並假借字矣

國師

夏庠馬

註故書庠爲訝

地官遺人十里有廬註廬若今野候徙之有庠也是庠卽訝字矣

職方氏

其利金錫竹箭

註故書箭爲晉

考工記廬人晉圍釋文晉又音箭儀禮大射儀綴

考工記廬人晉圍釋文晉又音箭儀禮大射儀綴

諸箭註古文箭作晉易彖傳晉進也釋名釋兵箭
進也吳越春秋晉竹十圍晉竹卽箭竹字

其浸潁湛

〔註〕湛或爲淮

說文水部濫古文湛字形近淮又書大傳以淫雨
爲淮雨論衡明雩久雨爲湛卽淫雨也

其川淮泗其浸沂沭

〔註〕淮或爲睢沭或爲洙

史記建元以來侯表睢陵侯定國索隱漢表作淮
陵○沭洙形近小戴記檀弓公叔木註木當爲朱
其澤蔽曰菰蒲 〔註〕菰或爲泝蒲或爲浦

漢書地理志菰蒲師古曰在泝縣又右扶風泝註

雍州弦蒲藪汧水出則弦蒲卽汧也浦蓋蒲省

訓方氏 誦四方之傳道 註 故書傳爲傳

儀禮聘禮四傳擯註古文傳作傳史記封禪書其傳在渤海中服虔曰傳音附或曰其傳書云爾漢

書五行志傳以洪範師古曰傳字或作傅小戴記

檀弓註何傳乎釋文傳本作傅莊子天運魚傅沫釋文傳本作傅又山木隨其爲傅釋文傳本作傅

形方氏 無有華離之地 註 書亦或爲雜

離雜形近又離通作犁亦有雜義

周禮故書疏證卷四終 門人同邑 陳師皆校

盧藩南

周禮故書疏證卷五

臨海宋世榮學

秋官司寇

司烜氏 註故書燬爲垣

鄭司農云當爲烜後鄭謂烜火也詩汝墳王室如燬釋文齊人謂火曰燬

雉氏 註書雉或作夷

後鄭謂雉讀如鬋小兒頭之鬋釋文雉字或作雉
春秋左襄十七年傳五雉爲五工正夷民者也服
虔曰雉者夷也文選甘泉賦列新雉於林薄註雉
夷聲相近

蠅氏

〔註〕掌去鼃蝮書或爲掌去蝦蟇

司農謂鼃蝮蝦蟇屬說文蝮部鼃蝦蟇也

壺涿氏

〔註〕故書涿爲獨

鄭司農云獨讀爲濁其源之濁音與涿相近書亦或爲濁莊子盜跖戰于涿鹿之野釋文涿本或作濁左傳顏涿聚卽史記之顏濁鄒矣

大司

以邦成弊之

〔註〕故書弊爲慙

呂覽音初土弊則草木不長註弊惡方言慙惡也後漢書董卓傳敝腸狗態註續漢書敝作慙

使其屬蹕

〔註〕故書蹕作避

杜子春云避當爲辟謂辟除姦人也後鄭謂蹕止
行也孟子行辟人可也辟人卽止行義

小司寇

附于刑 又附刑罰 註並云故書附作付

書梓材皇天旣付中國民馬融本付作附史記殷
本紀天旣附命漢書孔光傳漢石經並作付命

士師

七日爲邦朋 註故書朋作備

鄭司農云備讀如朋友之朋管子幼官練之以散
羣備署劉績曰備卽朋字

正之以傅別約劑 註故書別爲辯

辯卽辨字詳見天官大宰正稱責以傅別條

朝有判書以治 註故書判爲辯

辯辨通字說文刀部辨判也又片部版判也夏官司士掌羣臣之版註故書版爲班儀禮士虞禮以其班耐註古文班或爲辨蓋展轉相通字

慮刑貶

註故書慮爲憲貶爲窆

後漢書鄧禹傳程慮爲祭酒註慮字或爲憲字又耿國傳字叔慮東觀記作叔憲墨子魯問有吳慮者太平御覽引作吳憲○貶窆俱从乏聲又並爲下墜之義古或假借用

人用屨

註故書屨作龍

見春官巾車駟車條

蟄氏掌除骹

註故書骹作脊

鄭司農云脊讀爲殯月令曰掩骼埋胔釋文殯又作漬淮南子時則訓作掩骼蕪骹呂覽孟春紀作掩骼蠹骹註骹讀水漬物之漬小戴記曲禮四足曰漬註引春秋傳大漬也檢公羊春秋莊二十年傳作大瘠漢書食貨志而國亡捐瘠者李奇曰肉腐爲瘠月令註肉腐曰漬

世第

案脊从瘠省

司煩氏

共墳燭庭燎

註故書墳爲蕘

後鄭訓墳大也詩桃夭有蕘其實蕘亦大義

脩間

宿互榛者

〔註〕故書互爲巨

見天官司會參互條

籀

春始生而萌之

〔註〕故書萌作蔓

世榮

案蔓當爲蔓說文艸部蔓灌淪讀若萌爾雅

釋草其萌灌淪卽蔓灌淪字

籀

掌除蠹物

〔註〕故書蠹爲橐

釋文橐本或作橐儀禮士喪禮設冒橐之註今文橐爲橐春秋左傳楚公子橐師唐石經作橐師又地官掌染草註橐盧釋文橐音託又音如據說文蠹字从虫橐古字省卽假借作橐也

赤考以蜚炭攻之 〔註〕故書蜚爲晨

史記律書辰者言萬物之蜚也蜚卽蜚字

壺承以泡土之鼓毆之 〔註〕故書炮作泡

杜子春讀炮爲苞有苦葉之苞春官大祝炮祭註
炮字當爲包漢書律歷志炮儀路史作泡儀

則以牡樺午貫象齒而沈之 〔註〕故書樺爲梓午爲

五

杜子春云梓當爲樺樺讀爲枯說文木部梓从木
宰省聲或不省作梓 世聲案樺樺形近又掌殺戮

王之親者宰之註宰之言枯也易大過枯楊生莢

鄭註枯謂無姑爾雅釋木註無姑姑榆也急就篇
註無姑一名棒榆○說文五部五五行也从二陰
陽在天地間交午也徐鍇曰五者午也春秋左成
十七年傳夷羊五國語晉語作夷陽午

大行人

王禮再裸而酢

〔註〕故書裸爲果

鄭司農云裸讀爲灌天官小宰裸將之事註裸之
言灌也考工記玉人裸圭註裸之言灌也或作裸
或作果春官宗伯攝而載果註果讀爲裸

其貢嬪物

〔註〕故書嬪作嬪

春官大宰嬪貢註嬪故書作賓說文類部顛水涯

人所賓附類蹙不前而止繫傳引詩率土之頒漢書王莽傳作率土之賓史記司馬相如傳仁頒并問徐廣曰頒一作賓

協辭命

〔註〕故書協辭命作叶詞命

鄭司農云叶當爲汁大戴記朝事正作叶詳春官大史讀禮書而協事條○鄭司農云詞當爲辭大戴記朝事正作辭

世筆

案辭詞經典通用甚夥

小行人

則令賻補之

〔註〕故書賻爲傅

世筆

案說文貝部賻爲新附字知古只作傅矣

則令稿贈之

〔註〕稿爲槩

鄭司農云犒當爲犒地官稟人司農云讀爲犒師
之犒又牛人共其犒牛唐石經作犒牛淮南子汜
論犒以十二牛註牛羊曰犒共其枯犒也世犒案
犒字古作稟易與稟混夏官稟人註稟讀爲芻稟
之稟

行焉使則介之註故書曰夷使

後鄭訓夷爲發聲小戴記三年問焉使倍之釋文
焉發聲也惠徵君棟謂夷使猶焉使是也

周禮故書疏證卷五終

門人韓城薛兆麟校

周禮故書疏證卷六

臨海宋世榮學

冬官考工記

篇首

或通四方之珍異以資之

註故書資作齊

小戴記昏義爲后服資衰註資當爲齊易旅卦喪其資斧釋文子夏傳及衆家並作齊斧

作舟以行水

註故書舟作周

釋名釋船舟言周流也詩大東舟人之子箋舟當作周春秋左傳申舟呂覽行論註作申周孟子華周說苑善說作華舟漢孟郁碑委曲舟市隸釋以舟爲周焦山鼎銘王各于舟廟卽周廟字

貉踰汶則死 註貉或爲猿

世罕

案爾雅釋獸貉子貍或貍猿音近之譌

媠胡之笥

註故書笥爲笥杜子春云媠書或爲邠

註笥當爲笥唐石經作媠胡之笥王侍郎引之曰

隸書句可相混故漢人說字曰笥者止句也笥字

作笥亦然

世罕

案笥又笥字之譌

書酒誥畫執拘說文手部作畫

執拘莊子天下君子不爲笥察釋文苛一本作苟並句可相混之證

○杜子春云媠

讀爲焚咸邱之焚說文無媠字邑部邠周太王國

卽幽也春官司几筵紛純註紛讀爲幽

凡攻木之工七

註故書七爲十

七十形近易混。斡人軛前十尺。註十或作七。漢書律歷志度六七師古曰七一作十。國策有如臣者十人。呂覽不侵作七人。

刮摩之工五

註刮作挽

刮挽音轉。小戴記檀弓華而斲。註斲字或爲刮。

函鮑

註鮑書或爲鞞

註引蒼頡篇有鞞。說文革部鞞柔革工也。讀若朴。周禮曰柔皮之工鮑氏。鮑卽鞞也。鮑乃假借字。玉柳雕矢磬。註故書雕或爲舟。

周舟一字晉悼公。周公羊襄十五年傳作晉侯雕。

搏埴之工

註埴書或爲植

後漢書黨錮傳註埴猶植書禹貢赤埴墳釋文埴
鄭作哉儀禮鄉射禮五臝註臝今文或作植

無以爲戚速也

註速書或作數

弓人則莫能以速中註故書速或作數小戴記曾
子問不知其已之遲數註數讀爲速又樂記衛音
趨數煩志註趨數讀爲促速又祭義趨趨以數註
數之言速也莊子人間世以爲棺槨則速腐釋文
速崔本作數

人輪

牙也者

註牙書或作𦨭

鄭司農云牙讀如跋者訝跋者之訝謂輪輅也世間或謂之罔釋名釋車輶罔也關西曰輅言曲輅也急就篇註輅車輶也說文木部枒木也从木牙聲一曰車輶會也羣經音辨牙車輅也

欲其微至也

〔註〕微至書或作危至

微危音近又危有高義古書多以微爲魏字魏卽魏巍之魏訓高大也書或假借用

取諸圖也

〔註〕故書圖或作員

孟子規矩方員之至也管子法法作方圖說文口部圖天體也徐鍇曰此方員字

必矩其陰陽

〔註〕故書矩爲距

釋名釋形體距矩也小戴記大學絜矩之道陸德明本作拒荀子仲尼篇註距與拒同

萬之以貶其匡也

〔註〕故書萬作禹

鄭司農云讀爲萬書或作矩五經文字萬與矩同禹又從萬省

人輪四尺者二十分寸之一 〔註〕故書十與上二合爲二

十字

說文十部廿二十併也古文省

謂之庇軼

〔註〕故書庇作秘

秘當爲祕祕庇音同其證俟考

輿人爲之較崇

〔註〕故書較作權

釋名釋車較在箱上爲辜較也漢書王莽傳辜而權之應劭註武帝紀作辜權晉灼註鄭當時傳作辜較又漢書多以辜權爲辜較字

去一以爲樹圍

〔註〕鄭司農云書鞬或作鞬

司農謂鞬讀如繫綴之綴儀禮士喪禮綴足用燕几註今文綴爲對說文車部鞬車橫鞬也

飾車欲侈

〔註〕故書侈作移

臯氏侈弁之所由興註故書侈作移孟子梁惠王

放辟邪侈音義侈丁云本作移又滕文公放辟邪
侈音義張云侈諸本作移誤也儀禮少牢饋食被
錫衣侈袂天官追師註唐石經並作移又漢書人
表推侈淮南子主術作推移

人

軌前十尺

〔註〕鄭司農云書或作軌

夏官大馭祭軌註杜子春云軌當爲軌

不伏其轅

〔註〕故書伏作偃

偃字从音說文高部高讀若伏詩谷風偃偃救之
漢書何奴傳作扶伏

必繪其牛後

〔註〕故書繪作餽

鄭司農云鯁讀爲繪關東謂紂爲繪方言車紂自
關而東周洛韓鄭汝穎而東謂之鞵世攀案鞵卽
繪字鯁當爲縵廣雅繪縵同字引周禮曰必縵其
牛後莊子秋水繪我必勝我釋文繪本又作踰荀
子彊國大燕鯁吾後鯁踰並假借字也

斲注則利準

註故書準作水

棗氏然後準之註準故書或作水管子水地水者
萬物之準也說文水部水準也

左不捷

註書捷或作券

後鄭謂券今倦字也說文力部券勞也徐鉉曰今

俗作倦廣雅釋詁倦止也

世罕

案槌亦止義

氏兩樂謂之銑

註故書樂作樂

樂樂形近易混史記高祖功臣年表慎陽侯樂說
索隱漢表作樂說

侈弇之所由興

註故書侈作移

見上輿人飾車欲侈條

以其一爲之深而圓之

註故圓或作圍

廬人註圍圍之也

桌氏

註桌古文或作歷

世罕

案桌歷音同禮經桌階歷階亦一義

然後準之 〔註〕準故書或作水

見上輒人輒注則利水條

其醫一寸 〔註〕故書醫作脣

莊子德充符闢跛支離無脈釋文引簡文註脈醫也又引崔註脈脣同

凡鑄金之狀 〔註〕故書狀作壯

史記秦本紀蜀相壯徐廣曰壯一作狀

鮑人之事 〔註〕鮑故書或作鮑

見篇首函鮑條

察其線 〔註〕故書線或作綜

杜子春云綜當爲糸旁泉蓋篆文紵編形近而譌而腥脂之則需

〔註〕故書需作劓

鄭司農云劓讀爲柔需之需又鞣人馬不契需司農謂需讀如畏需之需劓蓋假借字

則雖做不羸

〔註〕羸故書或作鄰

釋文羸或作鄰輪人不羸于鑿釋文羸本又作鄰

鞣人

〔註〕鄭司農云鞣書或爲鞣

後鄭謂鞣者以皋陶名官也

世幣

案說文鞣字本

从革作鞣篆文鞣鞣形近故譌

以泥水漚其絲

〔註〕故書泥作湄

氏

鄒司農云澗水溫水也說文水部澗財溫水也引周禮曰以澗水漚其絲

淫之以蜃

〔註〕杜子春云淫書亦或爲湛

杜謂淫當爲涅廣雅釋詁沈涅沒也漢書鄒陽傳註引應劭曰湛沒也小爾雅廣詁淫沒也國語周語虞於湛樂註湛淫也爾雅釋天久雨謂之淫論衡明雩篇久雨爲湛淮南子釋山訓淫魚出聽大戴記勸學作沈魚沈卽湛字

玉人

命圭七寸

〔註〕故書或云命圭五寸

小戴記郊特牲次路五就註禮器言次路七就與

此乖字之誤也書成有一德七世之廟呂覽論大
作五世之廟詩七月七月鳴鵙王肅傳七當爲五
古五字如七因譌爲之

裸圭

〔註〕或作裸或作果

裸通作灌裸灌字俱从水故字或假借詳見秋官
大行人王禮再裸而酢條

黃金勺

〔註〕勺故書或作約

詩旱麓箋黃金爲勺釋文勺本作杓史記天官書
杓雲如繩者儀禮旣夕註約繩也

以致稍餼

〔註〕餼或作氣

說文米部氣饋容芻米也或从米作粢或从食作
餼論語鄉黨不使勝食氣說文皀部引作食既儀
禮聘禮曰如其饗餼之數註古文餼爲既小戴記
中庸既廩稱事註既讀爲餼

矢人亦弗之能憚矣 註故書憚或作但

但當爲怵鄭司農云讀當爲憚之以威之憚謂風
不能驚憚箭也莊子大宗師無怵化釋文怵驚也
鄭衆註周禮考工記不能驚怵是也

梓人數目頤脰 註故書頤或作脰

鄭司農云脰讀爲鬣頭無髮之鬣說文髟部鬣髮

秃也又頁部顧頭鬚少髮也又覲部顧狼視也引齊景公之勇臣有成覲者今孟子滕文公作成覲覲卽矐字說文日部矐戴目也江淮之間謂眊曰矐公羊春秋襄十七年邾婁子矐卒左氏作矐

必撥爾而怒

註故書撥作廢

莊子讓王則右手廢釋文引李註廢棄也一切經音義引廣雅撥棄也世舉案史記太史公自序秦撥去古文是以撥爲廢字矣

且其匪色

註匪作飛

匪非通字文選盧子諒詩徒煩飛子衛註非與飛

古字通漢蔡湛頌飛陶唐氏隸釋以飛爲非

則必如將廢措 〔註〕故書措作厝

論語則民無所措手足後漢書梁統傳引作則人無所厝手足孝經而安厝之釋文厝本作措莊子逍遙游又何厝心于其間哉釋文厝本作措

虞人 句兵欲無彈刺兵欲無蝘 〔註〕故書彈或作但蝘或

作綯

說文人部僮字引作句兵欲無彈 世罕 案从且从

單字古得通互見上矢人亦弗之能彈矣條 書金

堦王肅本 ○綯胷通字文選黈城賦注胷猶結也

詩東山蝻蝻者蝻據傳蝻蝻亦是結屈之義

人匠置業以縣

註故書業或作弋

杜子春云業當爲弋讀爲業後鄭謂業古文泉假借字引爾雅曰在牆者謂之弋在地者謂之泉爾雅釋宮註杙檠也說文木部檠弋也又弋部弋檠也爾雅釋宮檠謂之闌儀禮士冠禮布席于闌中闌西註古文闌爲業

人匠環涂七軌

註故書環或作環

秋官野廬氏註車有環轅坻開釋文環本亦作環

人匠大波其版

註故書波作沒

汲汲形近易混

人其博三寸

註故書博或爲搏

釋名釋姿容搏博也四指廣博亦以擊之也漢書
功臣表又搏拚師古曰搏字或作搏

行山者仄輮

註故書仄爲側

詩賓筵側弁之俄說文人部俄字引作仄弁詩蕩
時無背無側漢書五行志引作以亡背亡仄又漢
書五行志賈誼鬮錯汲黯等傳註並云仄古側字
恆當弓之畏

註故書畏作威

書皋陶謨天明畏自我民明畏馬融本地官鄉師

書之三
註並作明威洪範威惟畏小戴記表記引作德威惟威
六極曰刑德威惟畏
註威讀作畏

凡昵之類不能方

〔註〕故書昵或作穢

杜子春云穢讀爲不義不昵之昵或爲黏黏也
後鄭謂穢脂膏臚敗之臚臚亦黏也今春秋左隱
元年傳作不義不暱說文日部暱或从尼作昵又
黍部黏也引春秋傳不義不黏或从刃作黏釋
名釋地埴膩也黏昵如脂之膩也莊子馬蹄釋文
引膩字作膩儀禮鄉射禮五臟註古文膩爲哉今

文或作植

世榮

案檝植並假借字

夫筋之所由蟾

註故書筋或作薊

爾雅釋地有幽都之筋角焉釋文筋本或作筋五
經文字薊字从角者譌爾雅釋草木山薊顏氏家
訓云近世文士遂讀薊爲筋骨之筋以偶地骨用
之恐失其義

角欲孰於火而無燂

註故書燂或作朕

燂朕音近古或假借用

角不勝幹幹不勝筋

註故書勝或作稱

易繫辭貞勝者也釋文姚本作貞稱小戴記樂記

註三體相勝釋文勝一作稱文選演連珠是以物
勝權而衡殆註勝或爲稱

則莫能以速中

註故書速或作數

見篇首無以爲賦速也條

利射侯與弋

註故書與作其

春秋左僖二十三年傳懷與安實敗名七經考文
作懷其安

周禮故書疏證卷六終

門人

臨澧田 三原李錫麟 校